

二人素畜悍習朝命之出雖丁寧委備先懷慢易略不拘制終至於陵駕主帥委棄號令揆之於情察之於法刑故之典在所當急未審殿下宥過之教終有何意大抵威命在上丘權主一主帥之令容有未盡編裨之事當順指揮名為褻訟禮家尚忌況軍旅之事有死無生若無統攝何以能濟近者紀綱陵幾名威不振下之人不知有上以矣一執我意便不顧念其弊已至於無所忌憚雖軍機關急之間亦至於若是若因仍痼習示示威克紀綱益解名威益墮頽靡之極勢不可救豈不寒心哉人君所與共賞罰者實在於朝廷殿下之所以賞罰者雖自以為至公而大臣臺諫同然一辭以為不可殿下若思一心之所滯察衆論之所歸無偏無黨如鑑如衡則自然有公明顯大之所在刑典之定固不待口舌之爭矣伏願殿下俯察公議夬決無留整肅軍紀振起頽習不勝幸甚傳曰觀此劄字或曰紀綱陵夷名威不振或曰頽靡之極勢不可救此雖近日之弊然振紀綱救弊習豈徒嚴刑重罰而得乎予意不過於是也○夜巽方有氣如火南方電○辛丑臺諫合司四啓前事不允上劄曰伏以祇承上旨以振紀綱救弊習為不在嚴刑重罰亦豈臣等之意哉有善不敢蔽有罪不敢赦一循天命天討